

vero ut se liberaret negat se piratam; argumentumque innocentiae suae profert Jesuitas duos quos in navi haberet, quosque si placeat accersere ex ipsis cognosci posse veritatem. O artificium divinæ Providentiae! Erat tunc hyems adulta, et omnia in navi de-erant. Ideoque nisi nobis provisum fuisse et frigore ac malis peribamus. Quid multa? [18] Extemplo accersuntur Jesuitæ et in urbem mirantibus omnibus deducuntur. Jubemur pro testimonio dicere. Nos enim vero quæ vera erant proferimus, capitaneum scilicet nostrum officiarium esse regium non piratam, et quæ in nos fecisset parendi necessitate magis quam voluntate fecisse: Ita capitaneus noster liberatus est et nos cum ipso in urbe usquedum Londino responsum acciperetur perhumaniter retenti sumus. Diu expectatum est responsum, at nos interea saepe cum ministris saepius cum aliis disputavimus: licebat enim fere [19] omnibus adire nos; etsi nobis exire domo non licebat. Verum cætera omnia humaniter ut dixi tribuebant. Pembrochio denique jubemur Londonum navigare. Sed iter fuit longum. Otiosissimæque intercesserunt moræ quas ne usque percensem hoc sufficiat dicere, anglici regis jussu nos ab itinere abductos esse ad urbem Dueram atque inde Caletum in Galliam missos. Caleti liberaliter accepti sumus a domino Gubernatore et decano urbis ac per tres dies recreati; hinc venimus Ambianum ubi nunc sumus.

Tenuit nos captivitas nostra [20] per novem menses